

Tayer Crea y Siña:

Ta presenta comedia musical pa Pasco

E aña aki fundacion social cultural, Anali Cabrera Foundation, patrocinado di Cede Aruba, PBCE, un biaha mas tawata hopi activo. Na augustus ultimo Tayer Crea y Siña (T.C.S.) a presenta e obra musical "Stop Bullying". E obra a ser masha bon comenta pa di e publico cu a asisti e anochi ey.

E anochi ey alabes a celebra e graduacion di esunnan cu a termina cu exito e curso di actuacion di aña 2014-2015. Tur graduado a ricibi un certificado durante e celebracion aki.

Tayer Crea y Siña a sigui activo na Cas di Cultura cu diferente presentacion den luna di september y october. Awor aki alumnonan di T.C.S. ya ta den pleno ensayo



e bon manera y e ser mucha. Keda pendiente!! Aruba Kids ta ser patrocina pa di Laboratorio Familiar y Manrique Capriles. Ta aprecia sosten di comercio priva pa cu e bunita proyecto aki.

No lubida di pone den bo agenda: 2 december 2015, 7:00-8:30 pm, na Cas di Cultura, e comedia clasico Americano "A Christmas Carol" presenta pa Aruba Kids y T.C.S. Considerando cu e muchanan mester bay scol su siguiente dia, T.C.S. lo cuminsa na tempo y caba na tempo. E comedia musical aki ta traha pa mucha. Gosa di e oportunidad pa disfruta den famia di e bunita comedia aki! □



di un comedia musical di Pasco, basa riba e famoso obra Americano "A Christmas Carol". Esaki lo wordo presenta den Cas di Cultura dia 2 di december proximo di 7:00 pm pa 8:30 pm.

Tayer Crea y Siña ta duna les di actuacion den e sala "INCBTR" na Cas di Cultura. Lesnan ta riba dialuna di 4-5 pm (Grupo A: 6-9 aña), dialuna di 5-6 pm (Grupo B: 10-13 aña) y dialuna 6-7 pm (Grupo C: 14-18 aña).

Pa mas informacion like e page riba Facebook Tayer Crea y Siña of whatsapp 5649511. Tambe por manda un e-mail na tayer.creaysinja@gmail.com.

Tur alumno cu ta asisti na T.C.S. ta ser invita pa participa na un "casting" y asina gosa di e oportunidad pa bira un miembro nobo di e bunita grupo Aruba Kids.

Aruba Kids ta un grupo nobo di artistanan local cu ta canta, balia y actua. Actualmente Aruba Kids ta consisti di 14 integrante entre 10 pa 14 aña. E grupo aki a keda forma despues di un "casting" di habilidad, unda 40 mucha a participa. E grupo a wordo lanta pa e necesidad pa tin den nos comunidad pa cu nos muchanan.

Aruba Kids ta preparando pa varios luna caba, dedicando hopi ora di training na actuacion y baile, pa asina presenta pronto e show di television: "Aruba Kids, e mundo di mucha". E meta di e programa ta pa yuda cu structura den un mucha su bida den un forma creativo. E show di television "Aruba Kids, e mundo di mucha" lo transporta nos muchanan pa un mundo di fantasia, unda nan lo experiencia weganan interactivo, incentivo na ciencia, diferente forma di spaar den bida hopi mas. Alabes lo reforsa e laso di famia,

